

Crisis Theologica

Cárdenes, Juan de

Sevilla, 1687

Cap. I. Præmittuntur aliqua, & referuntur sententiæ.

[urn:nbn:de:hbz:466:1-75689](#)

Moya. ratione non sit necesse in hoc casu peculiari interrogare de consuetudine, & simul ei satisfaciat de firmitate sui propositi. Et hæc videtur esse limitatio eius opinionis, quam apponit P. Moya, vbi supra num. 16. vbi cum dixisset, rusticos, & indoctos interrogatos de consuetudine peccandi à confessario, teneri illam explicare, subiungit: *Sicut viri docti, qui aque ac ipse confessarius, & quandoque magis, rem penetrant, quibus proinde constare potest nulla confessarij directione indigere; illumque certiorem possunt redere, nullum desiderari ex requisitis, ad licitam, validamque absolutionem.* Sed ego, ut formalius explicem mentem meam non dico, illumque certiorem possunt facere, &c. Sed appono tamquam conditionem actualem, dummodo certiorem faciant actualiter confessarium, nullum desiderari ex requisitis ad licitam, validamque absolutionem.

39. Ex dictis igitur concludo, numquam concedendum esse absolute, quod penitens vir doctus interrogatus de consuetudine non tenetur respondere. Nam vel vir doctus vi doctrinæ sua satisfacit, & suadet efficaciter confessario, non esse necessarium explicare consuetudinem; vel non suadet efficaciter. Si secundum, respondere tenebitur, ut probant huc-
isque dicta. Si vero suadet efficaciter confessario, id non esse necessarium; iam confessarius cef-
sat ab interroga-
tione.



DISERTATIO XXXVIII.

*An ratione magni concursus pœnitentium liceat absolve-
re dimidiate con-
fessos?*

CAPUT I.

*Præmittuntur aliqua, & refe-
runtur Sententiae.*

SVM M A R I V M.

*Proponitur propositio damnata. num. 1.
Divisio integræ confessionis in mate-
rialiter, & formaliter talem. n. 2.
Formaliter integritas per se necessaria
est. n. 3.*

*An magnus concursus sit sufficiens cau-
sa non ponendi integritatem mate-
rialem. num. 4.*

*Doctorum opiniones varie. num. 5.
Fundamentum pro parte affirmativâ.
num. 6.*

1. **P**ropositio. 39. damnata hæc est: *Licit sacramentaliter ab-
solvere dimidiate tantum confessos, ra-
tione magni concursus pœnitentium,
qualis v. g. potest contingere in die
magna aliquid festivitatis, aut indul-
gentie.* Sensus autem propositionis est, quod sicut negari non potest, esse aliquos casus, in quibus ob aliquam causam necessariam licitum est dimidiare confessionem sacramentalem; ita in magno concursu pœnitentium est causa necessaria ad dimidiandam confessionem, quod omnes pœnitentes, qui concurrunt, possint confiteri; quia alioquin si omnes integrè audiantur, multi abibunt absque cōfessione.

Ssss 2 No-

2. Nota est divisio integritatis confessionis in materialem, & formalē. Materialis est, cum poenitens confitetur omnia peccata, quae commisit. Formalis est, cum poenitens confitetur omnia peccata, quae hic, & nunc potest confiteri. Solent enim concurrere circumstantia, in quibus est impotentia physica, vel moralis ad confitendum omnia, quae commisit. Oblivio enim inculpabilis constituit impotentiam physicam; cum sit physice impossibile dicere ea, quae nullo modo in memoriam veniunt. Impossibilitas autem moralis darur, quando occurrit aliquod inconveniens, quod præponderat integritati materiali.

3. Sufficere integritatem formalē, quamvis non detur integritas materialis, omnes Theologi fatentur. Multi autem sunt casus, in quibus Theologi concedunt, posse omitti integritatem materialem, & dimidiari confessionem: alij ex parte penitentis, vt si moribundus sit in extremis: in quo casu auditio aliquo peccato absolvitur, & postea prosequitur confessionem, si potest, & iterum absolvitur. Alij ex parte confessarij, v.g. si timeat mortem ex contagione penitentis. Alij ex parte alterius tertij, vt si timeatur verum scandalum. Sed omnes huius ordinis casus reducuntur, vt dixi, ad impotentiam physicā, vel moralem.

4. Quæstio ergo præsens procedit in casu alicuius magnæ festivitatis, aut indulgentiæ in quo est multa missis poenitentium, operarij autem pauci; ita vt si audiantur integrè confessiones poenitentium, impossibile sit, omnes concurrentes confiteri; & ideo necessarium est, quod multi redeant desolati absque confessione, quam desiderabant. Inquiritur ergo, an istud sit tam magnum inconveniens, vt propter illud dimidiare liceat confessiones, præcipue eas, quae sunt de pec-

catis diuturno tempore commisis? 5. Affirmativa opinio, quæ in hoc decreto damnatur, tribuitur Marchantio in Tribun. tom. i. tract. 2. tit. 7. quæst. 2. Et eam docuerunt aliqui, quos suppresso nomine resert, & refellit P. Aegidius de Coninck disp. 7. de Poenit. dub. 9. num. 93. Secunda opinio Coninck est Lumbierij tom. 3. summæ in expositione huius propositionis, 59. num. 1989 & seq. docentis, ratione solius concursus penitentium non posse dimidiari confessionem; bene tamen in aliquibus casibus, in quibus preter rationem concursus datur alia circumstantia. Quam opinionem, & causas ibi enumeratos examinabo cap. 3. Tertiā sententiam, quæ tamquam omnino certa propugnanda est, docuit disertis terminis P. Coninck proxime relatus, & aliqui etiam recentiores, qui huius casus meminerunt, scilicet, ē causam minimè esse sufficientem ad dimidiandam confessionem.

6. Fundamentum primæ opinionis iam damnata esse potuit: Nam præceptum integritatis confessionis non obligat contra præceptum charitatis; sic enim dimidiari potest confessio, si ex confessione alicuius peccati resultaret scandalum activū confessario, vel alij tertio, sed contra charitatem esset, si propter audiendas tres, vel quatuor confessiones integras, remaneret magna turba poenitentium sine optata confessione; yna enim confessio de peccatis longo tempore commissis, solet durare per horam intergranum, quod si unus tantum esset confessarius, & ille vacaret confessionibus eius durationis, tres, vel quatuor confiterentur toto tempore ante meridiem, & reliqua turba poenitentium careret eo solatio spiritali: ergo in eo casu non obligat præceptum integritatis confessionis. Dabitur autem integritas formalis, quævis

vis non detur integritas materialis, quatenus obligatio charitatis erga turbam populi inducit impossibilitatem moralem faciendi illas confessiones materialiter integras.

C A P V T II.

Ostenditur, quam sit falsa opinio damnata.

SVMMARIVM.

Probatio prima ex præcepto Divino de integritate. n. 7. & 8.

Sola impossibilitas physica, vel moralis excusat ab impletione talis præcepti. num. 9.

Vtilius est confiteri integre, quam propter Indulgentiam dimidiare confessionem. num. 10.

Præceptum charitatis erga proximum non obligat præscisse ex magno cursu. num. 11.

Absurda plurima, quæ inferuntur ex parte affirmativa. n. 12. & seq.

7. **O** Stenditur primò. Præceptum Divinum integritatis confessionis obligat ad confitendum omnia peccata, quæ sunt in conscientia, dum non est impossibile physicè, vel moraliter confiteri omnia: ergo cursus penitentium non facit, quod auferatur obligatio confitendi omnia. Consequentia obligat.

8. Maior autem patet ex Trident. eff. 14. cap. 5. de Sacram. Pænit. illis verbis: *Dum omnia, quæ memoriae occurruunt, peccata Christi fideles confiteri student, procul dubio omnia Divina misericordiae ignoscenda exponunt. Qui vero secus faciunt, & scienter aliqua retinent, nihil Divina bonitati per Sacerdotem remittendum proponunt. Ex quibus verbis patet, eos omnes, qui scienter aliqua peccata retinent,*

invalidè confiteri. A qua vñiversalitate nulla potest esse exceptio, aut limitatio, nisi sola causa impossibilitatis physicæ, aut moralis. Neque enim datum est privatis Doctribus limitare definitiones vñversales conciliorum generalium.

9. Deinde ea Maior confirmatur primò: Nam omnes casus, in quibus Doctores concedunt, dimidiari posse confessionem, ad impossibilitatem physicam, vel moralè reducuntur; vt singulos perpendenti patebit. Confirmatur secundò. Nam fideles tenentur implere hoc præceptum Divinum, dum possunt illud implere: ergo sola impossibilitas excusat ab eius impletione.

10. Minor autem eius syllogismi demonstratur. Quia licet in comp̄sibilia moraliter sint, quod fiant illæ confessiones longo tempore duraturæ, & quod omnis turba populi vno die mane confiteatur: ast nulla ratio impossibilitatis relucet in eo, quod confessiones longo tempore duraturæ reliquantur in tempus opportuus; neque in eo, quod si ex confessiones longi temporis fiant, remaneat turba populi sine eo, quod eo die confiteatur; cum nulla sit obligatio confitendi eo die. Et quidem multo vtilius est conscientijs fidelium, & multo facilius confessario, quod confessiones longi temporis reiiciantur in diem, in quo confessarius magis sit expeditus à concurrentia populi festinantis ad confessiones. Quomodo ergo fingitur impossibilitas moralis in eo, quod facilius, & vtilius est.

11. Hinc evanescit fundatum, quod pro opinione damnata proposui in fine capituli primi. Nam concessa Maiori, quod non obligat præceptum integritatis confessionis contra præceptum charitatis; negatur Minor, quod in eo casu obliget præceptum charitatis, vel ad audiendas in